

do consieri regij, a dirli il re di Chastiglia aver auto Alem, terra grossa nel duchato di Geler, ottenuto prima certa abatia; si che sperava di breve si ultimaria quella impresa, la qual finita, il re di romani veria poi in Italia; et che uno di electori si ha interposto a l'acordo.

Fu posto, per il colegio, il synicha' et commission a sier Sabastian Zustignan, el cavalier, el qual va a Zara, e poi a li confini, dove saranno li oratori ungarici, per adatar li danni *alias* fati per subditi ungarici in Dalmatia etc. Et fu preso darli ducati 120 per do mexi per spexe, meni con si 12 persone etc., *ut in ea*.

86 Fu fato eletion di uno provedador sora i daeij; rimase sier Alvise Bon, *quondam* sier Otavian, da sier Marco Contarini, era di la zonta; et si feva uno provedador sora l'armar, qual, per l' hora tarda, non fo ballotado, et le voxe di electi andò zoso.

A dì 27. Fu gran consejo. Fu fato do patroni a l'arsenal: sier Alvixe Zorzi, et sier Zacharia di Prioli.

A dì 28. Fo consejo di X, con gran zonta. Et in questo zorno zonse sier Hironimo Donado, dotor, venuto orator di Roma; et intrerà consier el primo di avosto.

In questa sera fo, per deliberation dil consejo di X, con la zonta, retenuti tre secretarij nostri dil colegio, *videlicet* Bernardim di Ambroxij, atendea a le leze, Francesco da la Zuecha, et Zorzi Francho, atendea a li savij, e lezeva le letere im pregadi. Et fono posti seperadi, uno in colegio di le biave, uno in l'oficio di le biave, et uno in Toresella; et tochè quel medemo colegio fo di Francesco Tajapiera, che fo apichato, *videlicet* sier Alvixe Michiel, consier, sier Zorzi Pixani, dotor et cavalier, avogador, et sier Zacaria Dolfim, cao di X, sier Francesco Bernardo, inquisitor.

A dì 29. La matina fo sbarà il palazzo, et il colegio fo a la corda per la examination di soprascripti; *etiam* da poi disnar ditto colegio fo in camera.

Fo pregadi. Et leto le infrascripte letere, *videlicet*:

Di Rimano, di sier Alvixe Contarini, provedador. Mandà una letera abuta dal signor di Pexaro. Come quelli di Fan, 12, erano ussiti e stati a parlamento con la prefetessa; si che judicha il papa voi dar quel loco al prefeto.

Di Hongaria. Letere di quelli successi, 0 da conto.

Di Elemagna, di l'orator Capello, da Costanza, *vechie*, di 29 zugno, et si ha di 9 luo. Avisa il re era montato in barcha per andar a trovar il fiol, ch'è contra il ducha di Geler; et che,

expedita quella impresa, *omnino* vol venir in Italia. *Item*, dil zonzer dal re di uno fradello di Rubertet, secretario dil re di Franza, *nomine regis*, per sollicitar la venuta di esso re in Italia. *Item*, l'orator nostro era li amallato.

Di Cypro. Zercha biava, tien sarano bon arcolto et orzi.

Di Napoli, di rectori, di 27 zugno. Zercha quelle fabriche.

Dil provedador Contarini di l'armada, date a dì 28 a Napoli. Come per rodiani era stà preso do nostri navilij candioti im porto di Schiati, *unde* esso zeneral à dà licentia a 4 galie, sono in l'Arzipielago, che vadino a' danni di rodiani, *videlicet* trovando navilij, da ducati 1000 in suso di valuta, li investi et prendi per ripresaja. È galie 4 in Arzipielago, *videlicet* sier Hironimo Barbarigo, sier Zorzi Simitecolo, sier Francesco Pasqualigo, e sier ..... Foscarini, fo Dandola. È da saper, in tutto è galie 17 sotil fuora. *Item*, come Camalli era a Garipoli, et 86\* havia preso Caradormis, corsaro etc.

Fu posto, per il serenissimo, consieri, e savij, atento domino Marco Antonio Sabelico habbi composto croniche in laude di la Signoria nostra, che *de cætero*, lezanda (*sic*) o non, habbi in vita soa ducati 200 a l'anno. Et dita parte ave 55 di no; e fu presa. Et in dita parte non fo sier Lunardo Grimani, savio dil consejo, per non aver aldito.

Fu posto la gratia di sier Zuan Michiel, *quondam* sier Lunardo, era debitor di ducati 450 di daeij di biave et pagar di pro'; fu presa.

Fu posto dar a sier Sabastian Zustignan, el cavalier, va a Zara, ducati 20 di più al mese, *videlicet* habi ducati 80 al mese; presa.

Fu posto, per li consieri, che sier Alvise da Mulla, vicedomino di Ferara, atento il morbo è a Ferara e al Bonden, che 'l possi venir *in ditione domini* ad habitar; fu presa.

Fu leto la commission ad Alvixe Sagudino, secretario, ch'è a Zara, qual per il colegio è stà electo vadi al soldan, et fo leta per li savij, *excepto* sier Andrea Venier, savio dil consejo, et sier Francesco Gritti, savio ai ordeni; et fo rimessa *ad melius consulendum*.

Fu fato eletion di capetanio a Brixigele et provedador di la valle di Lamon; e rimase sier Alexandro Pixani, cao di 40, *quondam* sier Marin. Si feva *etiam* castelan al scojo di Brandizo, in loco di sier Domenego Corner, a chi Dio perdoni, et provedador sora l'armar; et fato la eletiom, per l' hora tarda, non fo ballotado.